

序



天下皆郡也保之爲彘綦大  
治天下彘皆治也治保之郡  
獨難何大虐爾它郡郡也保  
郡

畿之輔也如天之經如地之緯

保定府志

序

如人之臂頤不大歟治它郡  
治一郡也保在

日邊化行自近則日首善惠此  
中國以綏四方抑爲能邇也  
郡之大也如此治之難也如  
此余以孱陋謬膺斯任烏能

勝任而愉快耶受事幸始郡  
早饑洊告蚩蚩者非鳩鵠稷  
初則道殣溝瘠四履無殊也  
荷

聖天子宵旰軫恤憫然出大府以  
振小民余何敢不鉢余心余

保定府志

序

何忍不蒿余目無如郡之爲  
地大也郡之爲治難也庶幾  
按故牒而考成法式訓式行  
俾無尤乎竊聞郡國有志凡  
天星地輿民畧物力以及利  
害之興除政教之張弛鮮不

燭可照而數可計焉亟起而  
求之所司吏以烏有對余惑  
也滋甚謂惡而去之也亟趨  
而請之

臺使大人咸曰非烏有也軼而  
未輯闕而未補爾

功令懸之且十年已頃正刻期  
以責報于大夫其汲汲焉余  
退而懼也滋甚謂俛俛而莫  
從也思之匝日夜始恍然曰  
語云山有徑維亦則知之水有  
津漁則知之郡之學士大夫

生於斯長於斯亦猶樵之於山漁之於水也誠往而咨之何慮乎弗知也又嘗聞之矣龐參守漢陽知郡人任棠有志節參候之棠不與言但以薤一本水一盂置屏前抱兒

孫伏戶下參思曰水欲吾清也拔薤欲吾擊強宗也抱兒當戶欲吾開門恤孤也齊子奇十八歲治齊齊以治人疑之覘其出與白首者同載卽此以思余之輯郡志也有餘

能已會郡太史快圃郭公以  
讀禮終篇來晤余於署因舉  
以咨公曰余曩蓄有志略客  
歲已略加刪潤出以佐前守  
劉公所不逮搜而輯之當不  
悞乃公事余於是拜手而託

重焉公曰諾諷日啟館萃郡  
諸生之績學濯行者若而人  
四旬而成帙余受焉卒業其  
志四境也原隰昫昫乎室家  
溱溱乎行其野有弗若者然  
其志諸邑也城墉言言乎民

物熙熙乎行其市有弗若者  
然其志賦役也米粟程秬之  
鱗鱗乎三旬不日之亟亟乎  
按其籍披其版胥有弗若者  
然是何歟蓋志其盛而不及  
其衰也志其豐而不及其嗇  
也志其淳以樸而不及其澆  
以華也志其賢與良而不及  
其僉與壬也覩其盛而衰可  
知覩其豐而嗇可知覩其淳  
以樸覩其賢與良而其澆其  
華其僉其壬愈無不可知亦

如葛屨之存唐風緇衣之表  
鄭俗正風正雅有作而變風  
變雅可勿作歟抑欲官斯土  
者取法乎上而力挽其頽歟  
余雖不敏未卽如漢之龐參  
齊之子奇而薤水嬰兒車中  
白首悉在乎是矣今日者

聖人在御修德懋學銳意圖治大  
化翔洽于四遠湛恩滂薄于  
九州郡在日月光際所謂惠  
此中國以綏四方者當不第  
如馮翊扶風之爲三輔黃圖

也余敢不矢精白竭駑鈍以  
仰答

朝廷簡畀之隆恩承宣

上官表率之盛意俾郡之盛也  
豐也淳以茂也賢以良也有  
如在昔先民者倘僅而謂志  
成可以報命于十季前之

保定府志

序

八

功令吾事畢矣吾事詎畢矣  
康熙十九年歲次庚申仲秋  
直隸保定府知府蘇門紀  
弘謨謹序

纂修郡志記

吾郡之受檄修志蓋自壬子年始也時余以典試中州過里門郡守沈公國望知余蓄有志略謬而下詢猝未及應無何滇黔逆作六師奮伐郡日辦供億不遑事且寢戊午余以素寇里居郡守毗陵劉公旋九稍稍議及屬余纂輯郡故事三閱月而報命苦由悒鬱中荒略不文公猶以爲繁也

保定府志

記

一

芟什之二旋又以爲簡也增什之五更三手市一歲書不成而公去官事再寢庚申夏五蘇門紀公以天雄郡丞擢守吾郡受事浹旬上官檄徵郡志嚴且急浸尋十年責成一旦公曼曼乎其難之時余讀禮終篇循例報闕公輒舉以相屬余謝不敏且慮如曩者之芟而增增而復芟之搢搢也公意良苦再三屬辭之不獲迺於五月十

有六日言適之館言授之餐集二十邑之志書於几案幾千餘卷繙閱卒業稍稍得其要領於是延郡名夙英俊劉子可書王子胤陶子國竒師子恒是賈子如璧李子琮管子企寧或採輯或編次或較訂而考核質問一委之兒子熒焉盛夏嚴歎人歌需漢恨不獲赤脚踏層冰而乃毫並筭揮墨供蠅嘍翰汗淋漓已館啟於大司寇高保定府志

記

二

公之日涉園亭軒敞朗竹木陰森樓之側有臺臺之外有池池之央有榭迴廊曲檻幽且邃也余坐匡床於亭中袒而憑一几卷軸丹墨圖畫箋疏羅列如屏余得染翰而操平章焉三州十七邑之山嵐水色可當臥遊關隘津梁可指諸掌梵宮僊觀可放眼空際古閣荒臺可題詩上頭致足豪已且銓叙千年之流品月旦百世之人倫

尚友可樂有褒無譏矧矣婆娑藝文之苑  
觸目雕龍甲乙騷雅之壇怡情吐鳳更是  
欣賞耶諸子者衣絺躡屨安雅通脫雖分  
曹授簡而所見畧同晨起一揖選地據勝  
脫冠解襪或坐或臥或執一編吟諷庭除  
或攜楮毫枝簪牖下不斷髭亦不叉手展  
簞竹叢疊茵松影草之香習習隱流鳥之  
語嚶嚶細絮花胭點鸚鵡之睛蝶粉下珊

保定府志

記

三

瑚之架皆足助乃文瀾恣其藻思也日之  
夕矣團坐亭堦析疑考異崇雅黜浮斐然  
有裁爰命館童陳肴核泛醴醪劇談嘈叙  
俯仰七十二代周旋千八百國蓋亦極揮  
塵驚座之盛乎乃斤斤焉戒不及時政不  
臧否時賢如是者淡月得志若干卷哀而  
質於郡公公慰勞不已日作志之難難於  
簡尤難於簡而不遺難於文尤難於文而

不縻難於典尤難於典而不譌其難之尤  
難者則公而不刻厚而無私也斯志也吾  
一言以蔽之曰雅余曰公洵一字之褒乎  
因鳩工剗劂必莊必緻於戲文字之樂編  
摩之苦胥在乎是歷月有七日得以告厥  
成功者喜無曩者之芟而增增而復芟之  
搢搢也援筆作記式告來覽云

康熙歲次庚申仲穉上浣

保定府志

記

四

魏人郭 蔡識

保定府志序

皇上御極之十一年大化  
翔洽文治振興乃

俞廷臣請

詔天下郡邑各修通志

保定府志

太子序

一

以進所以徵文考獻  
遐覽述稽弘無外之  
規昭一統之盛也於  
是海內邦君大夫與  
夫懷鉛握槧之彥爭

自奮厲靡弗網羅排  
纘發凡起例期蚤勤  
成書達

尚方乙夜之覽而吾郡  
保定志數閱寒暑未

竣今年郡伯紀八公甫  
下車政教聿新典章  
是問不以前事爲不  
急取彙草覆閱之加  
以鑒裁限程督趣不

歷時而郡志告成  
殲乎一方之大觀矣  
公以余產屬邑走使徵  
言爲序諒不可以不  
文謝余惟保定古隸

冀部封建而爲趙郡  
縣而爲上谷其繼也  
或并於涿或割於盧  
龍宋元以前蓋未甚  
顯也迄明之再傳定

都北平而保始爲大  
郡北拱燕雲西控晉  
代瀛渤由之結轂恒  
豫倚爲建瓴銍秭所  
委輸梯航所輻輳三  
關阨塞列障相望屹  
然爲神京右臂稱首  
善重地矣

皇清定鼎一循在制民慶

案堵吏奉舊章以斯

地之重也羽林屯戍  
禁旅雜耕未幾而  
大中丞移節開府焉  
已復守巡分設寄  
琦藩臬自京兆外他

府之視保猶支郡之  
於會府也則吾郡之  
重至今日而極至於  
風俗昔稱其質樸尚  
義畧浮華勤耕織事